

白鶴山房詩鈔

白鶴山房詩鈔卷十七

歸安葉紹本仁甫

古今體詩六十七首

乙酉嘉平桂林大雪入春復連見飛霰樵香刺史用范文  
穆公和郭機宜韻見示依韻奉答

宜人桂管誇梅雪佳句曾聞詩老說我今度嶺親見之漫道窮  
陰凝暮節始安疆域控南交常苦驕陽氣恒泄忽然六出粲飛  
花滌盡炎陬火雲熱嗟峨蒼玉歛埋尖一色崑岡認無別巖風  
快舞老松欹急霰先摧山竹裂此時鶴驚情誰披千仞巖頭登  
璚堞呼童煮茗興彌清召客開尊簡頻折祇看壁影潤瓊田遙  
想珠塵霏貝闕從來使粵比驂鸞閱盡千巒勢凹凸更教銀海  
眩吟眸白鳳身騎更瑩潔我思參政昔持麾萬古石湖名不滅

機宜呈句自賡和想見政成鈴下悅我今緝篆愧旬宣以蛭喻  
山歎殊絕所忻瑞應古今同快聽歌聲煮春藥仲華妙筆擅前  
人同詠時和慶諧變

蘭卿太守以新安相國師贈詩二首見示敬依原韻奉和  
卽送蘭卿之官

大雅易凌替誰識波瀾老猗歟北平公奇穎發天藻精心六籍  
殫異聞百家討獨起抗羣賢荒塗闢道春雲觸緒生夏冰隨  
意造煩聲等琶黜大樂鼓鐘考忽復衣五銖真仙下蓬島妙音  
契元微一切窠臼掃我昔學拈吟膺門早傾倒私淑得辦香懷  
鉛屢屬藥憐才仰大匠麻縷許繚縞示我服古方味腴鹽其腦  
等身千百卷手寫半真草換骨有金丹珍比餉火棗陳芳麟篆  
祕所在鬼神保喜子集遺編爬梳蘊古抱豹窺乃得全快說先

嗟早吁嗟斯藝難江海譬淵浩著述自古今風格果誰好此編  
得流傳不羨照乘寶西行執丹漆精誠通夢禱試誦相公詩秋  
月挂晴昊

右蘇齋遺集刻成詩

治郡如治兵齒髮不在老傑士富經猷豈第尙文藻通經能致  
用吏術在蒐討能驅八駿蹄自達九軌道君本長源流綺齡成  
俊造足躡屏風行異事若可考一朝供內直結珮傍瓊島下水  
詞頭揮旋風筆端掃九制羨君才峽流真欲倒新詩復捷敏筍  
束富削藁陸離燦精鏐翩躚曳阿縞雲母得鍊顏河車眞灌腦  
曩時讀楹書生庭喻芝草茲復乘一麾垂街肅援棗翎侯待指  
揮精夫望懷保莫厭聽奴隅雞雛倚啄抱嶺表況刀耕東郊農  
事早會見詠提官太平春浩浩銀簪叩銅鼓歌呼亦自好家世

稟惡魚此志豈懷寶定知甘雨隨勿事油雲禱他日璽書徵  
堯階覲

仁昊

右送蘭卿出守思恩詩

題吳蘭雪同年紀游十六圖

稽山題竹

古來才士流放軼始魏晉佯狂玩世人意與箕穎近伊人抱微  
尚把臂追前俊題句青琅玕千載庶相印

棲霞獻賦

刻玉記觀河

文軫薄江表迎

鑾鍾阜間春風吹百草卅載憶前游天長江浩浩紅蕖獨無言

鬢絲猶未縞

漢江旅泊

洪波合雙流氣吞幾雲夢千載崔黃鶴名與斯樓共才子奉高堂阿母攜仙從我亦記當年懷橘一帆送

岱嶽觀雲

巖巖日觀尊青帝之所宅含景蒼精龍秦松幾千尺君爲汗漫游御氣乘鵬翮采藥可長生況共神仙伯

康山秋讌

昔有康武功落魄蜀岡醉一簣城隅山文采照大地亭池百載存琵琶幾行淚才人今古同竹西聞鼓吹

虎阜嬉春

虎氣騰金精乃在佳麗域花草埋吳宮幻作傾城色天葩吐奇

芬絕勝梅花國玉藥下仙姝春風誰省識

靈巖踏雨

姑蘇三月時錦浪桃花暖羣峰映其間倩女雲鬟綰吳娃解蕩  
舟水調歌緩緩山雨忽飛來溼翠船牕滿

瓜廬尋碑

大江到海盡湧出兩峨巒幽絕孝先廬竹樹相虧蔽石墨誰所  
鑄妙句豔春霽白浪打蒼崖此地真忘世

韜光望海

梵宇遍西泠此是華嚴界絕頂聽潮音閭浮真一芥天被綠雲  
圍泉從青壁挂躡屐上層空試訪勤師話

泖湖話別

三泖動涼波畫本憶桑亭中有綠野堂高懷邁千古維舟葭蘼

聞莎徑溼芒屨海上憶成連斷琴何處所

### 惠山探茗

茲山本空中石髓滴王烈兩腋欲生風誰啜冰甌雪竹爐響松  
濤滌盡熱惱熱子真靜者歟倪迂與同潔

### 武夷泛月

一片祀乾魚竇雲奏清曲虹橋不可攀來往仙人躡紅裯太姥  
牀鈴鼓聲相續遇否避秦人松巔結茅屋

### 黃巖看瀑

匡君隱周初奇景妙宇宙銀河落九天颯沓變昏晝之子更探  
奇境出石梁右身騎赤鯢公飽聽鈞天奏

### 蒲澗聽泉

尉陀未朝天安期乃入粵山中含笑花未識羸劉蹶拄杖聽流



泉至人蹤未沒栩栩何爲乎且住神仙窟

淨業蓮因

九陌抗黃塵忽得法界觀清心發妙華天機雲錦段打漿入前汀潑刺驚魚竄却顧西山青陂南浸其半

富春標隱

粉本大癡山高風子陵里玉圃積瓊葩不數孤山美卜隣有高人意探天地始雪幹傲千秋前身此花是

題瞿子高同年春秋厯

蹕圖

聲華監說玉堂仙侍從陳倉憶往年短後衣輕隨

豹尾落花楊柳正春田

拜

賜宮壺出上方雄詞早已賦長楊

殿頭新和橫汾曲倚馬詩成墨瀋香

紫塞天高策騎過興桓山勢更嵯峨雕弧

親挽西風勁卅六黃熊作賦多

一麾遠把別承明却憶周廬載筆行我亦囊鞋迎

羽葆青松馳道記塵清

蘭卿太守見和舊雪詩復用元韻答之

通潞亭邊盈尺雪往事依稀尙堪說漫堂舊廡做賓筵縱談日

夕捐苛節

丁丑之冬余官通永監司蘭卿偕同人來於時詩老訪時值大雪勾留三日極一時文譔之盛

正主盟

謂覃溪先生

祕籥爭窺元象泄君詩磊落最出塵伯鸞寵不

因人熱醞醑酥酪味誰分法乳同源定無別通才更復擅詞頭

雨雹雷椎山石裂謂當徑躡御風輪百丈强臺登截臬一朝

特簡重循良叱馭還教經九折隼旗飄拂耀蠻陬熊軾煒煌辭  
帝闕荆衡雲氣接蒼梧中直浯溪翠巖凸行吟到處富奚囊吐  
慧真同冰雪潔竭來謁我坐高齋恰對烟嵐乍明滅一尊頓慰  
十年思朋舊懽忻僮僕悅由來治行出儒生後進如君信英絕  
會看襦袴入風謠方識詩書如翹藥白狼興頌子勉旃千載交  
州懷士燮

題蘭卿詩境尋詩圖

詩境二字放翁所書紫帽山人方平  
若刻之桂林龍隱山中穆齋先生有

詩記

詩境定從何處覓放翁題字照千秋羚羊挂角應如是象罔求  
珠可得不論記蘇齋傳妙諦蘇齋先生每以此  
二字爲詩人悟境奇探桂嶺證清  
游驂驚此地才名並范陸  
齊名好志虞衡洽頌謳

前途蘭卿詩意有未盡于其行也復贈言爲別仍用吳字

韻二首

孔門重恭惠漢治雜黃老中孚格豚魚豈獨薦蘋藻由來治教  
紛誰能遍研討孺子學驅雞循循見大道萬夫所託命權力幹  
元造相期在席登豈徒事榜考思江控南荒風土雜夷島往時  
玄成公仗劍邊城靖妖徒置渠帥枯朽盡摧倒提陀奉王章主  
戶供芻蕘閭閻年三百餘士女樂蒸縞農夫安鋤犁壯士保肝腦  
王化之所敷夢滋育春草獨惜樹篴篴不聞藝桑棗山棚匿椎  
埋客作混傭保世官譏尹氏部長在攜抱土官世職多以此庶  
政禁控制慮宜早子本開濟才剛大氣自浩愛惡慎其端明鏡  
別醜好能使薤水歌豈徒廊廟寶駱將附朱鳶萬戶感且禱寰  
宇方砥平弩力報

穹昊

宵雅笙由庚頌宮詠難老古人致太平發端在芹藻學校教化  
基微言孰探討率土皆一民安能拂常道僻壤可鄒魯陶甄歸  
大造子今秉郡符往事尙堪攷居政創城郭綏集異遠島友璣  
興黌宮寇祲一朝埽俎豆習莘莘橫舍屢爭倒于焉稽舊章何  
異吟腹稿輕裝載琴石服御屏綺縞未肯累猪肝豈屑眩鳳腦  
政成童叟懽零露湛豐草君毋憶白華亦勿賦甘棗問絹清風  
留承萼家聲保從此樹勲猷庶幾攄素抱桂江通沅湘桃花春  
水早穩泛下瀨船蠻溪波浩浩烟霞訪洞天劍鋸山色好繫我  
昔持衡琳瑯貢國寶果見登

明堂特達慰夙禱行矣慎起居暑風近炎昊

和吳梅村先生集中咏物詩八首

鰲鶴

誰將骨鯁擬翩跹  
縞羽雛雛望儼然  
渡海好傳丁令語  
狎虛曾祀武夷仙  
祀武夷仙 乾武夷君以記華亭悔未思鱸去涿水還聞跨鯉緣莫  
道椿鱗總腥腐也同鯤化躍靈淵

薊虎

同功製就竊毛斑  
嘯壑雄威只等閒  
曾說龍精輝列宿  
暑如豹管寫深山  
繡餘應藉蠶娘巧  
畫出休嗤蝨母孱  
好與釵符偕辟惡  
蒜拳桃印共爛熳

茄牛

秋花籬落雨聲甘  
幻出彭亨濺角堪  
彭亨名紫小圃經綸歸丑相  
半畦蓑笠課丁男  
蝸廬名共珍蔬擬  
名蝸牛一蝶菜圖同考牧參  
徐熙有蟬記得白牛緇露地莫將頭腦比僧龜  
鄭安晚茄詩光

蟬猴

自衡口至金卷十一  
污泥蛻後抱松根不道山公幻影存清露五更啼怨女秋風三  
峽憶王孫琴聲漫訝螳螂搏劍術應空鳥雀喧聞說曜冠同附  
珥巴西新秩待承恩

桃核船

曾從沅水著輕舸鑽核何妨篆刻勞雞犬秦人浮槎遠神仙漢  
帝泛槎高斜風西塞乘春浪石室胡琴狎素濤可比藕船來玉  
井綏山得一已堪豪

蘆筆

葉葭涸湖水沄沄縛作毛錐總不羣粉堞蒼茫人咏月江湖搖  
蕩意凌雲譜成夜渚琵琶曲掃去秋潮組練軍莫謂湘東金管  
麗鷗波鷁海任書勲

蓮蓬人

紅衣落盡渚宮秋，野服居然傲勝流。  
詞客斜簪依綠水，仙人了角住滄洲。  
魂銷越女搔頭豔，齒冷張郎掩面羞。  
聞說遠公高社啓，佛身知是幾生修。

橘燈

璇星散彩記南湘，忽漫蜃膏照畫廊。  
珠影乍疑神女弄，用鄭交甫事鏡痕好映汜人妝。  
便同綠桂宵凝燄，可許金蓮夜吐香。  
知否木奴添韻事，引光憑代短檠張。

咏史四首

荆揚貢篚達神京，誰道鴻陂鑿未成。  
三策奇謀思賈讓，九河異說辨王橫。  
永平曾識塢流法，汝水猶傳石血名。  
見說通溝資控引，太倉紅腐總充盈。

砧礫南移迹屢遷，似聞玉策授靈編。  
祇應竝海茨防固，莫遣踰



淮竹落便金印平江崇典冊鐵砂鄆口幻神仙由來地象河圖  
括會有游鱸賁素川

會通南啓涇河流五百年來此汎舟地脈祇今蟠魯衛天文曾  
是耀奎婁輸場每見凌風渡駕水應無涸轍憂記否潭名標廣  
運宏農得寶叶歌謳

雲帆萬里轉燕遼梗稻南來迹未銷五兩纔飛黃浦月千艘已  
度直沽湖成勞峰接鼃碁島渤碣波通鯉淀橋信有天吳能效  
順祥風幾日送迴颺

和蘭鄉太守喜雨之作

潤灑崇朝造化功神庥原藉一誠通窮荒正賴田疇藝邊俗休  
疑猩狒同自有廉泉霑物表早知膏澤徧蠻中九眞外壤曾文  
教好聽謳謠繼國風

延翠亭晚坐

亭在使署西偏灌木交蔭地久矣余爲新之而顏之曰延翠

一亭構出四山圍萬疊嵐光盡到扉短堦橫遮蒼靄密畫檐時  
擁碧雲歸喬林夾徑深疑護瘦石當階靜可依退食餘閒聊隱  
几并陽清夢未應違

題吳蘋香女史飲酒讀離騷傳奇

掃眉才子蕊珠仙何事閒愁欲問天千古傷心蘭芷地憐他紅  
袖弔沉淵

泡影何須辨幻真三生偶現女兒身班姬自有流連集莫羨蘭  
臺珥筆人

綠么新調按紅牙玉茗風情未足誇譜出尊前腸斷句一時清  
淚溼琵琶

疊延翠亭韻柬諸同人

半畝荒園衆綠圍幽居何異在巖扉蕭寥每憶江邨憩峭蒨忽  
疑湖嶺歸雜樹儘開花豔豔繁陰新種柳依依瘴雲莫道渾如  
墨讀畫絃詩興豈違

汪曉門學博見和原韻再疊前韻答之

遠嶺何須問百圍晴空石氣撲巖扉最宜夜月聽蛩語好坐斜  
陽待鳥歸九畹任滋香穗發千竿憑補碧叢依多君佳句紛珠  
玉擊鉢清緣未許違

答何仙帆省郎三疊前韻

曾憶西泠翠嶂圍閑遊每款竹間扉誰知桂嶺驂鸞暇不異梅  
峰放鶴歸客裏風光應共賞天涯情話鎮相依媿隅休笑蠻鄉  
陋月夕花晨願不違

答友積堂世講四疊前韻

萬釘本不羨腰圍偶關荒榛靜啓扉  
拄笏獨看朝氣爽憑闌聊當好山歸  
底須巖屋雲窗峻畧記谿橋小店依  
何日江關同攬勝風牀雨檻莫相違

復答積堂五疊前韻

筆陣橫空屢破圍感君麗藻映山扉  
藥欄地好聊乘興

楓兒恩深敢憶歸境僻恰宜人澹蕩  
枝高頻見鳥因依石林曾擬尋精舍

先左丞少蘊先生石林精舍在弁山故址尚存

回首滄江跡已違

題賓州陸小姑紫蝴蝶花館詩後和  
及積堂茂才韻

小姑

女以不任力作爲姑所棄旋從僞以死

草草曇花一夢中才華枉詔錦機工  
直教銜石悲滄海不比方舟怨谷風  
孔雀東南應共愴鴛鴦七十竟成空  
蕙焚蘭刈同摧折無限幽香泣露紅

鳩媒如此最堪憐。辜負當年種璧田。薄命眞飄霜後葉，苦心誰識火中蓮。西風蟬化紅牕影，午夜鶉啼碧樹烟。難得清吟畱一卷，然脂珍重玉臺編。

芙蓉曲和僊帆韻

江斐曉蹋瓊波冷，十丈仙蓮凋玉井。青娥含笑帶春回，萬朵紅雲壓寒影。絳羅碎翦豔秋容，琥珀杯擎玉液濃。瑤臺麟脯擘初罷，四支軟玉香鬟慵。桃臉如霞暈珪月，嬌憨未省西風力。七寶雕籠睡不成，唾壺淚滴焉支色。調鉛不用孟嬈泥，丹帔輕綃映大隄。結璘黃雪共矜寵，窮龍髓香烟迷石家蠟。燭晃清夜王氏錦障臨迴谿，花檣作柱多于屋。恰觀雲牕黛蛾綠，南湘秋色照江來。豔歌休奏橫塘曲。

庭菊四咏和仙帆韻

淡濃齊擅發幽香半醉酖顏映曉霜  
略倩脂痕勻素面不須頰態怨紅裳  
雪花乍豔嬌兒噴霞暈疑窺定子妝  
朱粉難施真國色仙姿只合住丹房

粉紅

悠然離外見遙岑信有黃花似散金  
涼月迷離描瘦影夕陽澹沱照虛襟  
桂欄吐處同芬郁梅額妝成問淺深  
自是寒香珍老圃田園野服漫相尋

黃

潔同皓羽影毵毵素質亭亭曲澗隈  
幽意最宜冰雪淨高情未愛綺羅堆  
白衣頻致山人餉練悅還憑玉女裁  
見說新英誇郢曲靈根原是種瓊臺

白

羅囊簇簇彩雲融姚冶爭看宿霧籠  
品貴欲分鸞綬赤色深偏勝鶴頭紅  
袖痕宛轉傳珠髻釵影玲瓏認玉叢  
裘綺忽教披壽客日精應識鍊顏功

紫

偕曉門仙帆唐制桐岫同游棲霞

連峯巨平泉列岫帶杜渚言尋招提境  
峴鬱祕靈宇密樹蔽層椒幽花垂磳戶  
石氣何蕭森空翠溼衣履一徑瞰金庭  
百常擗天柱迴風動巖罅山溜滴飛雨  
絕壑舞潛虬陰崖落仙鼠不遇二華君  
道書誰與語雲疑舄底生江向欄邊俯  
此景良足怡何必束宵炬小憩贊公房  
鐘聲正亭午

和李蘭卿太守重修西倉書院之作

能教遐裔變王風化俗興韓治與同  
華訓經原三極貫蕩平道本八埏通  
誦絃人衆知材集罄鼓功超識歲豐  
會見諸黎多向學海南千載祀坡翁

翹秀何妨出蒨菅詩書氣早澤諸蠻  
沿波溯本同觀海積小升高擬學山  
磐石自移荒徼外朔事長裾爭曳禮  
堂間由來靖塞

資儒術莫詡崑崙夜奪關

天劃巖疆時列屏好將又治佐

聲靈肺嘉已見平三刺

若善折獄

畢昂從看朗二星

畢昂之間二星名天街至邊塞

星明則達境又安

水令乍教興

賦澮街彈還喜築鄉亭

君興水利行保甲

中和

試聽歌羣彥負耒丁男盡帶經

清淨原知政不煩蒲鞭

信有古風存淹中已致徐生學堂上仍

親蓋叟言

君延禮賢士有年八十者

南武遺規真可繼

君舟甫贈朝議君為宰江左有善政南武

人至今祀之

西山正脈待重

論

西山先生有文章正宗青藍却愧淵源在頤地

期君早報

恩

題潘紅襟方伯富良江使槎圖

樓船十丈搖波光翠蕤勿勿雲旂張外臺憲臣舊在史繡衣銜



命綏南荒龍編地控五千里郡邑蕃布連海洋義叔便程昔所  
宅朱鳥垂注輝爰方九真置守始元鼎薨冷比景皆巖疆漢唐  
綿歷閔千祀藩籬遠樹堅金湯一從五季棄微外居然列土齊  
侯王丁陳黎莫互爭奪南征幾度煩斧斨

聖朝遠馭邁前古翎侯列戍踰狼臙棄人警懼久歸化琛寶輦  
載輸

天閭明堂之南獻令著生犀白雉隨陳羊助順者旌逆必討凜  
凜大義嚴周防農耐改號紀創始能誅梟獍鋤奸強藩封特啓  
荷

殊渥紫綬駢紐鑄金章嗣王再世守惟謹怡值

軒御初當陽金椎玉鏡炳

乾極威稜北變兼南煬此時款塞願受冊連月干呂青雲香惟

帝曰咨汝其往特達有德齊珪璋君遙承

命拜稽首懷荒振遠臣敢忘爰涓吉辰戒徒御皇華旂旐何央  
央銅船曉渡安定水金牛夜伏居風鄉千夫騎象迓前路關戟  
列隊森儀鏜遂入王京播

天語萬人跼聽驚跋踈闌根將

命肅王制朝宗拱北詞煌煌從此殊方慕  
絃覆提官作頌懽白狼禮成飛章達

丹宸

帝嘉丕績光旂常雄藩屢開資坐鎮蠻江有港皆甘棠文雅之  
臣膺重寄百城化洽春風翔此圖藝事嘆殊絕山川物態臚精  
詳雕題鏤頰入點染如觀右相傳縑緙中朝鳳麟志風度被服  
偉麗如王商從來安邊在恩信鄭公姓氏欽臨潢君以儒臣受

知遇埋輪介節齊張綱載廬更使擅專對行儉文武才彌彰我  
慙同諧步公後艾鞞未指虞紛攘祝君遂秉都護節五管將吏  
隨低昂天南銅柱應再刻

魏魏郅治歌陶唐

題梁茝隣廉使漢雙瓦硯用

圓規入手魚膚細中有爰劉土花膩千年神物文字祥沆瀣相  
承知一氣半筒下覆簷際強一輪寶月呈輝光鶴頭數字銘詞  
古不比銅雀兼香姜泗上龍飛樹鴻業長生永永垂無極爛斑  
古互竟得雙圭瑁天然徵璧合河間參政命世賢好古直探周  
秦前歐陽金石別成錄頭地曾放眉山先眉山文章世希有老  
泉斜川映先後淵源三世訝奇緣學術銅川俱不朽槐綏儲藏  
歲屢周寶田獨向文孫畱瀕行作贈豈無意要期志行光千秋

刻藤搨出存遺制標題復志覃  
谿字老學流傳只數家君也高  
才獨能繼宣麻故事珍玉堂  
用梁況之玉堂硯事此瓦復在君家藏  
蘇之律澤孔溥早知生意蘇  
羸羸短衣走馬斜陽下曾記  
三原得片瓦君才十倍兩林  
君文雅縱橫真健者素書寄  
我粵江濱惆悵相思幾度春  
鵲華山色衙齋好想見明牕  
墨瀋新我慙判牘辰山舊丹  
砂空說尋勾漏竊言常自笑  
支離安有清詞銘鳳咮嗚呼  
此硯絕世無願君寶此雙瓊  
琚登庸他日承衣鉢石墨應  
陳金匱書

銅鼓歌

鼓出賓州土中爲蘭鄉太守所得今置陽明書院

我昔但誦銅鼓詩我今始識銅鼓圖  
徑二尺強圍七尺苔斑剝落  
青花膚圓暈重重擬懸的雷  
回鏤刻兼蟲魚夏屋渠渠露脊  
角寶勝疊疊連花跗形模詭異  
制作古坐令光氣騰精廬我聞

五嶺界邊徼諸蠻錯處槃瓠墟班蘭之衣獨力結所在渠帥稱  
精夫蛇鄉虎落自雄長高山險陝揚兵符爰鑄斯鼓警有衆警  
若鳴鐸申錚于銀釵扣罷郎火集淵淵共聽興烝徒一從新息  
破駱越天聲遠震朱戴都遂取吉金鑄馬式南征盛事光交閭  
後來流傳益貴重得一便足豪旌旗郡縣漸開谿洞改此物淪  
棄荒山隅干戈戰鬪閱塵劫如沈泗鼎埋商觚此鼓何來嘆奇  
絕領方古郡山環郭清平太守政化洽花蠻懷德安畊畝循良  
之應嘉祥至寶氣躍躍明蟾蜍輪囷出土了無損平面如鏡精  
芒俱一時傳觀遍氓庶兒童拍手爭歌呼亟舉崇祠俾藏覆寶  
之無異英瓊琚昔聞此州有此鼓舊事曾記元豐初狄余威名  
尙未遠崑崙夜奪驚奇謨閱年七百此復見

聖德久致叩距虛

凝薰陶化罔弗屆此鼓特出開榛蕪今君正爾烝髦俊講堂  
鼓鳴朝晡逢逢響振雅音發東郡盛跡應無殊固宜此鼓表神  
異雷門聲震齊昭蘇願君典守戒鈴卒丁彝乙卣同珍儲羣蠻  
觀禮應惕息回首面內聲喁喁况茲石室祀新建大賢過化留  
顓愚白狼獺薄久著頌會看古樂調笙竽於論鼓鐘宣  
至教豈獨邊方古器誇區區嗚呼豈獨邊方古器誇區區

和蘭卿太守秋月勸農之作

由來爲政重民功喜子勤求古治通嘉穀能滋千耦易善禾解  
種庶氓同拊循意在科條外仁讓情殷里井中誰識邊隅如上  
國鳥言椎髻盡淳風

黑黍黃梁紀歲功

盛朝文軌萬方通鱗塍降雨周原溥鹿穀行春漢制同學古法

參無盡際因民利在不言中樹榆種韭皆仁政惇史微音定可風

題保眠琴省郎詩集後

方駕曹劉未覺遲秋聲名早噪當時屏風行立神仙骨銅鉢鏗  
匄唱和詩蘭綺承家芬自遠花臺入夢句尤奇卷阿他日賡  
天藻記取清吟譙曲池

丙戌除夕再敬和 先光祿濟南除夕元韻

梅花香氣遍前除燈火寒宵照碧虛暑奏敢教書四馬傳經曾  
記躍三魚風淳漸覺桁楊靖歲美還欣雪霰疎屢得稷雪擬學  
石湖吟節物作詩猶似夜窗初

白鶴山房詩鈔卷十七終

白鶴山房詩鈔卷十八

歸安葉紹本仁甫

古今體詩四十二首

題南昌李恭毅公詩藁後卽束補之通守

承勲

天柱鵬溟不世才封圻崇望列台槐隱之酌水清風厲德裕籌  
邊祕竿賅信有精神明似日每聞威令疾于雷任賢共仰  
義軒代軼電驪驅道路開

鈴鼓爭傳柱石猷誰知裘帶擅風流金支翠羽詞華麗碧海鯨  
魚筆陣迺僕射詩非編杜集乖崖詠亦重梁州會昌一品誰能  
金鍾呂鏗匄瓦釜收

潞河漣水澤如春愧我頭銜繼後塵

余亦由通永道調清河

善政尙存楹

帖榜

公巡通潞手書楹帖示爲政之要至今傳誦

舊章共凜簡書循民如魚耳休驚



網政有鳩乎莫束薪却羨桐枝方鵲起題輿初拜  
紫泥新

送張友堂太守

增春之任廉州

保障稽周語循良重漢庭銅符分碧海

玉詔下青冥山峙龍牙秀泉探鹿井靈遷珠清望在再築使君

亭

那有還珠亭爲漢太守孟嘗作

廿載懸蒲化灘江有去思朱幡剛畫鹿綠酒又歌驪政著三條  
異謠傳五袴宜期君酬

特達努力報

昌時

題小檀樂室讀書圖

清平山接吳山路四面嵐光映朝暮簷簷萬个翠煙深中有幽

人讀書處羣峯勢自天目來支幹直走錢江隈天開奇境待佳  
士松關恰傍蒼崖開閉門低頭誦經史碧雲五月涼如洗有時  
長嘯出幽篁颯沓林風動窗几鴻軒鳳舉皆仙儔探奇各自尋  
丹邱蒼蒼玉立絕塵坳六千君子應同遊南山霧豹藏毛質亦  
有乘風朝絳闕泥蟠雲奮皆天機標格何慚竹溪逸錢唐老鐵  
爲作圖溪山清絕環林於秋陰春煦足吟賞流傳足與千秋俱  
人間擾擾風花走誰是高名垂不朽五君我乃識其三謂梅史琴陽積  
堂磊落詩篇照巖藪我慙鞅掌未歸山山靈有知驚我頑何當  
共結山中屋風纔千枝著意看

和任蘇菴文學

昌詩

見贈之作

蘇菴爲笠澤先生從孫與余有紀羣之雅博學工文翰  
屢以詩見寄惜嶺隔東西未得一相見也爰賡雅什以

志慕思

排風毛質豈卑棲碧水紅蓮物望齊  
琴劍獨豪梅嶺外雲山不  
忘桂江西論文氣策連龍壯求友聲  
殷谷鳥啼聞道游蹤遍珠  
海幾時攜手躡丹梯

浴佛前一日招李蘭卿太守及積堂文學游文石明府小  
飲解齋用積堂韻

暑風初熨舊生衣訂座欣看紫筍肥  
春老漸聽鶯語熟譚深莫  
放馬蹄歸開尊好挹醇醪味窺戶偏  
宜遠岫圍珍重諸君負時  
望待尋雲迹帖天飛

和蘭卿偕積堂同游風洞山之作

石氣空巖翠撲衣林陰初合雨初肥  
暑同峴首窮登覽好擬雪  
泉志詠歸謝客高懷畱屐齒沈郎詩  
思問腰圍冷然果可乘風

去便駕鸞輪躡景飛

滿徑蒼苔作地衣夕陽紅照熟梅肥恰宜小閣留人久各有家  
山引夢歸一水愛看羅帶繞羣峯休道劍鉞圍多君結侶能探  
勝落紙煙雲興欲飛

蘭卿太守勸農賓州民爲作亭蘭卿用前勸農韻作詩率

和二律

仁如衆母紀民功勸稼躬行徑遂通直似棠陰畱芟憩應看麥  
穗遍圻同壺漿父老歡迎際版築丁男力作中自是循聲追漢  
吏止亭何減舊淳風

子來不日各趨功民隱真看蔀屋通道路兒童親郭伋清貧太  
守識文同大瓶酒熟杞源外小社歌喧杏陌中應有嘉名繼春  
省

廣德州芝山有春省亭  
明州守朱君勸農所作紅泥四角綠楊風

蘭卿太守力行保甲頗著成效喜爲作詩仍用新安師昊  
字韻

閭黨合五州鄉亭置三老有若什伍聯歡呼志鳧藻親睦起同  
井經義尙可討飲射行于鄉易易觀王道滌瑕鏡至清生民抵  
再造善政溯前修青史續堪考所惜治術歧浮海誤依島禁令  
紛牛毛古意蕩如埽虎冠翼爭傳鶉結懸真倒慙媿剖符人素  
餐糜廩藁喜子軼塵姿壯齒髮未縞求治必探源如溯火敦腦  
邑西古荒徼立制本草草士學昧桃萊婦摯廢榛棗同川浴尙  
沿清晝攫誰保桁楊徒滿庭空晒成案抱子今滌煩苛規畫定  
及早令行民不知魚水樂深浩地傳仁里多俗愛讓鄉好四郊  
絃誦興十室忠信寶居然懷萬民  
時雍風可禱試與頌蕩平

皇猷仰

軒昊

題韋廬詩草後呈李松甫先生

絳雲舒晴霄天風發清籟元音在太虛微意孰能會先生抱眞  
想萬象納襟帶筆探鴻濛初思出風雲外灝氣鮮精英超然軼  
埃壘神武早挂冠西園舊飛蓋銅川望彌尊太邱道自大後學  
仰高風崇岡鬱松檜慚余夙寡學謏聞譏自鄙幸登大雅堂鍾  
鏞聽硯磻天漿挹醍醐至味薄臙脢縹緲馬闐風巔凌空馳玉軼  
練水塢藏春香山圖入繪再拜契無言鑪熏正醺醺

黃州周芸皋觀察

見示西山紀遊詩用東坡武昌西山

詩韻却寄

乳泉甘冽宜釀醅山頭黃櫨何年栽古今勝事紀坡老一時健

筆無歐梅風花一瞬七百載何人杖策凌崔嵬窪尊空憶漫郎  
石解劍錯認延陵臺松風九曲竟何有徒令遺跡隨飛埃多君  
懷抱邁往古簿書肯換煙霞堆良辰嘯侶競登陟笑歌共酌傾  
金罍居然脫畧外形迹疎林日氣清巖隈七人聯襪各摘藻藉  
草促坐衣侵苔使君爲政繼羊杜高陽曾記荒池開君守襄州會開習家  
池齊安復乘繡衣節赤子噢咻豪強摧清游良足滌塵坌奚待  
腰鼓喧春雷感君好事不我棄郵筒千里馳書來詞林枹柅未  
搖蕩用山谷詩意不須弔古頻興哀

獨秀峰偶成

名山標勝紀延之王符瑤簪此最奇羅列兒孫多瑣細故應特  
立鎮南陲

倚天巉絕田家閭閻記嘉名錫老坡峴集若使先生曾過此那

將培壤比崇義

宋皇祐平蠻碑歌

碑在朝京門內鎮南峰

鎮南峯勢何厓儀有客示我磨崖詞大書深刻字盈尺古氣入  
紙猶淋漓憶昔藝祖定嶺表明堂四啓朝羌夷廣南分道置渠  
帥星羅潛服連尻肱承平旣久備遂弛瘴鄉虺毒爭潛吹公磨  
瑣細不足數居然九郡揚斧殘兵權久已杯酒釋文士怯懦何  
能爲卓哉仁宗洵英主特起韓白來總師蕃方久懾銅面具入  
朝一對謀無遺遂統雄軍越桂嶺先聲已奪羣情摧復振軍威  
誅敗將和門號令山難移崑崙一戰遽掃穴疾如卷籜芟枯枝  
龍衣已誠尙疑妄弗矜功伐真能奇此碑迢遙七百載偉績猶  
自驚蒼黎朝京門東作巨鎮鬼神呵護同維持從來鼓聲思將  
帥桓桓猛士占熊羆一朝表見數人耳大名諸葛同昭垂矧茲



爰荒控蠻服雄邊鎖鑰資鈴機昭昭前事若金鑑讀此豈異龍  
韜窺請懸廳壁勿褻視雲中應覩神君旗武襄營戰時人見爲  
真武神揮兩竿旗見  
孫叔  
談圖

題王文成公思田紀功碑後

碑乃磨厓書在土司  
境蘭卿太守捐寄

大藤峽斷妖氛弭又見思田烽燧起天畱奇績待偉人翠石高  
鐫馱蒙水猛濬構禍相侵尋車徒空駐紅江潯餘孽未殲本失  
計流言况復搖人心先生聞命疾卷旆湖兵八萬戈鋌會先聲  
曾記縛驕王何况諸蠻等狼狽壁門堅閉羣情驚忽傳解網張  
弓檠金魚頰得釋鼎俎好生德信符天行受筆不怨爭稽首督  
府恩深如父母久聞性體悟良知敢以凶頑抗戎醜一言遂降  
七萬師分置渠帥羅旌綏諸侯衆建少其力蠻疆從此隨鞭管  
遠人革面消蜂蠆遂假軍威平八寨封狼一旦化熊羆桴鼓千

年靖靈界此功卓犖絕世無遠追新息近狄余彼哉璵璠爾何

物青蠅乃欲淆麟圖

先生疏請旌蘇受功為璵璠等所格先此

碑遠樹蠻司域心正誠懸觀筆力閱年四百未銷沈風雨羣靈

護遺墨何人荒徼拓苔文邕西太守真神君心傳正衍姚江學

橫舍從教廣異聞貽我全碑徑三丈蛟龍筆攢爭相向懷邊我

正緬前脩讀此真教神志王袂徒郎火盡通經弓弩何煩置候

亭舞干此日思遺澤試認榕園樹影青

文成遺澤至今思田人

舊址建陽明書院土官子孫從學者甚衆

### 和李蘭卿太守夏月勸農韻

嘉禾濯濯盡懷新共識神君善拊循地闢何虞生計紉政平彌

覺長官親歌呼各有田疇樂耕鑿都疑太古人

聖世劭農諸法備祇須真意及斯民

澗渚皆成鄭白渠  
籌車滿祝慶鄉閭  
羹藜未用頻謠野  
用鴻陂  
據東坡  
作羹藜  
包飯何煩競趁墟  
俗守陽明新約法  
君行陽明十家編  
稽汜勝舊農書  
犢牛自解鎔刀劍  
非種休疑不易耜  
知禮節復  
何盜賊  
之有

招陳厚甫前輩  
鍾麟  
保眠琴省郎  
艾積堂潘頊卿同游樓

霞和眠琴見贈韻

洞壑迴環曲磴通  
新秋景物似春融  
雲山合沓憑闌際  
樓閣參差罨畫中  
巖氣撲人衣袂冷  
林陰入戶酒杯空  
風泉沙嶼傳佳詠  
獨有元長句最工

題梅村集後

一代扶輪手偏逢鼎革朝  
死難存毫社生幸和

虞韶玉盃荒陵表銀山  
故國潮天教開變雅板蕩什同謠

直節傳簪筆艱危際荷戈渡江來白馬匝地出蒼鷺瓊樹興亡恨銅盤涕淚多淒涼庾開府飄泊信山河

牢愁同屈子沈博似揚雄句織龍梭麗音諧鳳吹工化城迷日月海市眩青紅曲學休深駭華嚴示現中

黼黻京爭裸滄桑痛豈忘鶴書隆

聖主鴻羽重朝行識燭奸雄膽詞摧逆豎鉞

先生圓圖曲能辨吳逆之奸其餘憂

時之作亦備見忠盡

闕幽欽

睿藻萬古拜

宸章

忠

高宗純皇帝題梅村集聖製獨鑒孤奎章嘉許誠千載一時之遇也

題劉芙初太史遺集

才名五色筆頭花晚直承明暮景斜江左文章畱豔體中朝著

作屬篇家當筵意氣敲銅鉢入社歌行繼鐵厓謂蓉裳先生惆悵題襟成隔世彩箋零落散飛霞余與芙初酬唱甚夥今集內止載一詩知其遺稿散落者多矣

富陽楊太夫人壽詩

周芸皋觀察母

絮庭族望重江鄉德象爭傳叶瑤璜畫荻慈微畱簡冊采蘭新什譜笙簧堂中絳幔宣文座嶺上紅綢太姥牀共識使君能潔養吏民齊捧介眉觴

畫閣筵開敞綺疏壽人歌進荔芳餘靈飛笈授三元籙扶臙函開八會書洛水禊游喧鼓吹太常觀樂盛軒輿碧油佇寄方隅重錦繖行看侍起居

齊安城郭鬱蒼烟綠髮婆娑竿萬千人似端明崇志節境如崑閩聚神仙南飛鶴奏凌華曲東去江流種壽泉正是荷香承愛日前生應證佛因緣

丹梯青瑣舊垂紳  
繡斧還聞治化新  
地遠登堂思拜母  
榮誇賜帔快娛親  
香爐慈竹春陰覆  
瑤圃祥芝曉露勻  
天意早教勤貴  
寵他年上殿荷

丹綸

和蘭卿太守賓州勸農之作

絕徼何期此景逢  
朱轡遙駐綠陰濃  
篠簜處處迎童稚  
稌廩年年慰老農  
萬隴鋤犁真粲粲  
千家耒鍤敢疎慵  
時方興水利  
使君早習田間苦  
寒暑無煩怨夏冬

兩載旌輿幾度停  
春風及物自揚聲  
仁和已見堪名里  
豐樂由來久築亭  
榕葉雨中龍具濕  
稻花香裏隼旗經  
去思佇聽歌他日  
古漏山前樹影青

蘭卿太守脩復西邕書院越明年補弟子員者甚多有詩

紀事率和其韻

立雪游楊譽望齊入官古訓快能稽直將學市風流繼無媿

書屏姓氏題虎落盡教耽紫軸

螭坳曾記照青藜君曾充史館校勘延平衍得真傳在此日欣聞吾道

西

比戶絃歌不易逢那知循吏卽儒宗文章早變睢盱習孝友真

看子弟從鹿洞規模成選造燕田時序况豐雍今歲大熱憑君更示

高懸律識面還期賞李邕邊士罕工詩近俱嫻吟詠矣

李松甫年丈招同周夢巖學使張嵩厓觀察集五畝園看

菊卽席賦呈卽和九日原韻

獨闢幽居翠嶽傍露英如繡共傳觴螺鬟染就濃秋色鶴髮吟  
成老圃香一室蘭言畱古意幾人萍跡合江鄉酈泉已向仙翁

飲酪酏無須落帽狂

和蘭卿太守中秋前後榕園張燈之作並示陽明書院諸生

觀月黃樓擬此宵紅紗照座快招邀已看多士柯修斧不待仙  
人杖化橋晃朗樓臺明似畫嬉游羣屐沸如潮官閒正要同民  
樂雀鼠緣知已盡消

台山蒙水景光澄襁負頻年戶口增

思郡舊鮮居民年來願適樂土移居者不計其數

鳳脰不須書舉燭龍江先有室傳燈千潭波影原同映萬仞雲  
梯好共登珍重使君培育意舞雩風俗記吾曾

題李硯雲大令南武奉祠圖五古四十韻卽寄蘭卿太守  
去聖日已遠古治難具陳孰爲魯君子孰爲鄭惠人法術任申  
商作俑始暴秦毒痛遍四海塗炭嗟生民偉哉漢三章約法崇



寬仁暨乎文景代吏道乃益淳潁川重次公南陽恩信臣煦煦  
若慈父民有骨肉親乃得相安全忠孝摠天真後人苦不學爲  
仕先憂貧竊祿聊備位隨俗同光塵坐令太平世痼瘕困莫申  
爲問膺民牧何以答

帝宸李君濟世才振步起七閩筮仕法鳴紘善政傳冠紳流離  
戢磬雁喚咻起困鱗石洫闢汝陽芍陂濬壽春弭盜村置樓施  
制堤開津東南大藩地貪吏恣算繒敲朴吸骨髓孰能恤懸鵠  
君也獨惻然酌水先一身遂使淄蠹除耕鑿安比隣于公陰德  
大卓侯化澤馴方期建麾幢爲

國育童倂何圖汗漫游空使悲羣倫許荆桂陽祀朱邑桐鄉禮  
楹桷何巍哉靈旗颯海濱生爲斷斷宰歿乃聰明神畢萬後必  
大有子今朱輪胡絹所畱遺荒徼資拊循共知仁人澤歷久正

未湮三槐樹於堂七貂繼璫彬儂指銘瀧岡

天語褒

丹綸曷哉讀楹書子真天上麟古人重先烈清白鑄貞珉積善  
羨康公負荷承析薪我忝孔李交風景治化醇子舍駢桂枝彌  
復懷靈椿美茲廣都祠千載馨藻蘋請爲送迎詞芭舞來侑侑  
松甫年丈見貽盆菊再疊前韻

佳色移來曲檻傍風流如致白衣觴品儕竹柏神俱澹人比蘅  
莖韻自香健筆獨雄詩酒社高情合住水雲鄉慚余儂指河汾  
去未效柴桑物外狂

題俞言甫

法月夜著書圖

俞君多識奇

字善鑄印章

銀蟾徐度夜窗虛竹影松聲滿碧除一卷靈蘭誰解悟知君直  
與溯皇初

舊隱孤山一角青歸心幾度夢西冷澄湖百頃天如水定有新  
詞撥棹聽

題榕園

地爲士官岑氏舊宅  
今改建陽明書院

斑衣竹弩地今日講堂開水石自幽勝誦經多俊才緇林新組  
豆金谷舊池臺從此繁桃李東風次第栽  
文成遺澤在三百閱年多絕學欣傳鉢威名重止戈詞非耽繡  
虎鼓欲震靈輿試問良知意天心月映波

題賓州驛荷閣圖應蘭卿屬

圓荷浮水弄新姿最是喧闐雨到時領取溫麝香自在清涼世  
界少塵思

絕傲欣開講學堂生徒廣列誦琅琅濂谿遺教分明會君子花  
原異衆芳

誰將玉笛譜新腔欲採芙蓉漫涉江却看水田鳴泱泱閒行似

泛襄湖艤

君力與水利陂池相屬畦稻青  
青間以荷塘絕類江鄉風景

頻年德化洽爰陬處處農歌接棹謳試聽南堂新瓦響陂塘六  
月似涼秋

野葛餐來定幾旬瘴鄉從古說南賓那知蛇柳雞桐地別有陽  
和到處春

前身智果現青蓮行館新詩萬口傳悵我搖鞭背花去蘋香空

采晉祠邊

晉祠有  
長生蘋

和蘭卿示陽明書院諸生仍用西邕二字韻

越水心傳建水齊諸生何幸快居稽青衿肄雅承遺教翠碣平

蠻認舊題終古溪山畱翰藻當年亭館久蒿藜

書院舊爲  
岑氏別業

獨得通經用韋帶雍容遍嶺西

名將醇儒信罕逢  
道行誰嘆莫予宗  
語除枝葉方難朽  
塗啓莊  
堯本易從奧旨已教窺  
八出見舊唐書高郵傳  
奇才佇見對三雍  
請看  
學海源流在浩浩  
雙江水自邕見說文

寄題蘇庵世講詩集時余將之晉藩任卽以志別

散珠橫錦句生春  
詩法眉山有替人  
認取源泉翻萬斛  
筆花灑  
處總無塵

家學超宗有鳳毛  
修文孫子信能豪  
分明剪得吳江水  
墨潄淋  
漓湧怒濤

清氣廻環骨采騰  
能兼庶子與家丞  
道文麗藻曹王駕  
早識當  
年任彥昇

五管雲山恣壯游  
竹符親詠到羅浮  
新宮草就銘詞古  
更駕颺  
輪訪十洲

再世交游託紀羣相思未得懃停雲從今策馬并州道碧玉春  
流劇憶君

白鶴山房詩鈔卷十八終

白鶴山房詩鈔卷十九

歸安葉紹本仁甫

古今體詩七十三首

留別蘭卿太守

廿載搏沙合今茲遽遠睽但聞爲政美莫惜執經遲香火前因  
在雲山後會期冰寒欣著譽心跡玉壺知

綺歲題瓊筆文名冠等儔簪毫曾禁藥剖竹又方州物望推龔  
召人情重賈劉卽看榮木頌歌舞遍蠻陬

直道寧辭拙仁心豈任刑由來探治本未可茂羣經蠶月豳風  
館農郊喜雨亭儘教宣

聖澤何慮隔邊庭

桂海三年佳謨快起予斑衣知鼓篋椎髻拜懸書夾轂非無



鹿街庭亦有魚何時重把袂梧竹夜窗虛

零陵喜晤李海帆觀察率賦五言留別

惜別三年久班荆復此逢人烟喧水驛客夢悵雲峯政識懸蒲  
美情添翦燭濃雪泥皆過蹟不必問前蹤

獨具扶輪手文章信起衰輕縑存素質瑤瑟鼓朱絲語快榛芳

雍詞看雅奧宜鄭鄉衣鉢在樸學有專師

君爲姬傳先生高足

竿濫慚持憲何堪領价藩

主恩推擇重臣職度支繁願溥雍熙樂休同會敘論良規時勗  
我快聽素心言

湘江道中

一水濛深碧羣峰竦斷青微茫開曉市迢遞見寒汀山雨止還  
作溪雲行復停忽聞聲欸乃烟外認揚舲

涪溪觀摩厓中興頌

百尺蒼厓盡水濱淋漓翠墨跡如新肝脾沁入文難朽拳爪痕  
堅筆有神一代河山留勁畫千秋風雨護貞珉扶藜愧我匆匆  
讀未得寒泉薦藻蘋

書摩厓中興頌後

有序

摩厓碑頌唐中興古今無異詞惟涪翁題詩以肅宗不  
宜遽正大位而誠齋作賦又以肅宗非自立無以號召  
天下處此實難元楊鐵厓復主其說而本朝潘次耕沈  
歸愚皆以楊說爲是余以爲次山作頌未必有意含譏  
而肅宗之忘親亦有可議爰爲詩以正之起諸公于地  
下亦當一笑解紛也

漁陽鼙鼓驚天聞青驪出走何倉皇國君社稷不知守銅駝荆

棘悲朝堂潛龍尚存起朔野軍麾一振嚴戈斯遂收兩京朝九  
廟日月重曜山河光鄩南卽位有舊軌權宜要未乖經常惜哉  
南內缺視膳射生五百何披猖遂使後人增嘆息聞于似早嘆  
臣綱我思古人重名教夷齊大節高首陽飴孫謀晉亦善策終  
然主器迎黼裳假令侯命踐天位安見揖讓非虞唐不然龍樓  
盡予職以天下養誰雌黃亂平婦寺遂持柄太阿自授真屋王  
涪翁誠齋皆有見剔抉大義窮微茫春秋之旨責賢者要非苛  
論庸何傷舟行涪溪捫泐石昔人聚訟紛蜩螗寓規于頌亦古  
意直抒忠愛無否臧弄丸聊爲兩家解萬古鐵畫摩穹蒼

題隋仁壽鄧州舍利塔銘後

銘凡一百五十四字  
今附河南蒲司庫

千載留遺碣從知象教雄佛光騰禁籞

銘內稱宮殿興廢之所  
舍利應現前後非一

神塔鎮虛空兩戒山河控

鄧居南  
北之中三車願力崇卽今珍妙蹟法

鼓震隆隆

銘石正圓  
作鼓形

舟行衡湘間景物清絕喜爲作詠

汀洲無際碧烟生一片空明擊楫聲  
水底檣蒲清可數沙邊竹樹畫難成  
船頭北苑千峰出旗尾南風五兩輕  
自是浮湘饒麗景何人更憶剡中行

卽事

青山俯仰樹鬚髭鷗渚鳬汀隱釣家  
正是浪花初日破輕帆葉葉下長沙

衡山阻雪用東坡除夕大雪留維州韻

我行衡嶽南清風快相送忽漫舞瓊  
英梨雪恍同夢淅瀝碎珠篩輕揚弱絮  
弄時玉萬家連方珪千頃共歷亂灑  
長天虛白幾方空我疑五峰仙霓裳  
跨飛鳳又疑天公戲圭璧疊瑤棟辟寒

厄可呼百觚未嫌痛凍蔓且休尋陳根已堪種爲

國慶嘉祥溢山志銀甕

望衡嶽作

半生夢想五嶽游夙諾早已盟丹邱齊秦晉豫少所歷已驚繁  
練觀垂旒持符更出大茂北曲陽斷碣曾旁搜居然五嶽識其  
四所惜未泛瀟湘舟一從銜

命使嶺表荆山南去馳鳴騶祝融紫蓋儼在眼攬勝快豁平生  
眸輶車有程王事亟敢以登陟聊淹留壑蛇彈指忽三易復挈  
桂檝凌滄洲

簡書正資北國屏開雲有願何能酬推篷遠眺忽竒絕青霞特  
起蒼嵐浮眉痕隱隱見一髮峻嶒石勢森瓊樓堦宮霜氣散峰  
頂岫嶠竒字森巖幽琪花瑤草植爛漫天梯鐵鎖窮險修仙靈

來往不可計赤標古帝朝羣侯將陽八伯進圭瓚想像輯瑞虞  
巡周火維地荒此作鎮司天南正明旌旂從來望秩禮無廢樵  
蒸焜上香升卣年穀順成鮮疵癘洞庭彭蠡迎神庥况今

王化逮無外滇黔交廣通襟喉此山屹然控赤壤萬古盡立當

神州崑林太元昔所宅無怪光氣騰潛蚪傳薪幸有大賢蹟

紫陽朱子及南軒先生講學遺蹟啖芋莫詫神仙儔行當策馬越勾注真形更

訪飛狐陬今祀典北嶽在山西渾源州咸以爲其恒山所在

### 書漢唐史傳後

力田孝弟重農桑伯術何須效管商閱二千年循吏幾人間容

易說龔黃

符牒徵求二百封漫郎涕淚蘊心胷容州他日持雙節民隱依

然達九重

道出星沙卽事有感

余幼侍先光祿開藩于此

巖城突兀帶三湘南楚諸蠻藉控防此是從來形勝地鬱蔥雲氣接衡陽

一道澄江水驛開萬家煙火湧樓臺粵漢蜀峽通千里不斷帆檣天際來

行省深嚴靜閣鈴簪年曾此憶趨庭拜

恩復擁油幢過騶唱依然舊日聽

關西風節重

先朝房祀桐鄉迹未遙慚愧頭銜承世澤路人指點話星軺

全家穩泛漢江船懷橘猶思奉母年四十五年如夢寐夢我回

首倍潛然

光陰彈指迅奔輪猶幸觀河面未敝却歎禹功明德遠九江疏

鑒記來真

洞庭湖二十四韻

軒帝曾張樂虞廷舊舞干滌回三楚遠歎飲九江寬浩瀚原無  
極渟渚信鉅觀碧煙迷別渚白浪走驚湍日月凌虛度星河倒  
影寒村墟看隱隱島嶼望漫漫樓醉仙人鶴山驂帝女鸞龍堂  
通舊井蛟室湧新灘寶氣朝墟市珠光夜吐丸神淵探古洞福  
地訪靈壇道書君山爲第十二福地有穴通吳之包山故名洞庭壤控荆衡大疆包鼎澧  
完水犀屯組練雲鳥壯旌竿網戶千家住園田幾處安桃源成  
聚落竹屋快邁盤伊古圖經重于今

治化殫神臺懸日幟彼岸穩風統

松梓洲石臺爲特音發帑興築設弁兵守之

世廟

晝則樹旗夜則懸燈以便商船停泊

遠買帆檣樂斯民衽席權郵籤馳濮颺貢道

啓交驩

交州驩州

泛泛飛鷗驚青青苙蘭笛從深夜聽琴向暮山



彈上相煌煌句騷人

岌岌冠酒香尋虎岫

君山上有酒香茶熟山復有龍虎洞

淪龍團

君山茶極佳歲以入貢

瓊闕三千界金庭十二欄浩歌憑擊楫身

在楚雲端

黃陵廟四首有序

湘君湘夫人爲舜二妃傳自楚詞千載以下無異說自宋羅泌始疑舜無南巡之事而二妃年壽未必從游爲之攷辨復別據山海經世紀等書以爲當是宵明燭光舜之二女夫秦博士之說固屬不經而山海世紀晚出之書尤爲荒誕且前人從未言及果可據以爲証乎竊意舜葬蒼梧民思其德並祀二女故湖湘間處處有廟而遂祀以爲水神如洛水宓妃巫峽瑤姬之類蓋水本陰德故其神往往以女后主之若今海中之祀天后亦

此義也知此則從游與溺水之說皆不必辨而鼓瑟湘  
靈不必另求別解矣

觀型懿德媿坤儀水土曾襄府事治帝降瑤姬鎮蛟鱗世人何  
用苦然疑

格苗盛德在斯民祠下昭華玉琯新雲氣蒼梧纔咫尺故應廟  
食遍江濱

里俗傳芭祀最虔靈妃環珮重南天飛龍縹緲乘波迅那羨神  
光照水邊

展義何須計受終九疑千古拜幽宮洪荒事與塵寰別莫漫醺  
雞舞甕中

信陽道中

水緩山平劃豫疆車輪纔見碾塵黃分明如掌中原土不似羣

峰聚羣鄉

申伯何年繡壤分  
蕃宣曾著建侯勲  
千年陳蹟憑誰問  
空有豐碑記昔聞

藐姑仙人何大復  
正聲獨奏樂鈞天  
海山遺響知何處  
寂寞人間四百年

許州懷古

漢業銷沈是此間  
千秋潁水咽潺湲  
蝦蛇當道無人斬  
何處風雲芒碭山

刑餘遺孽亂中朝  
莽卓同符肆獍獍  
穢迹那堪重紀述  
怪他閭統妄名標

賢里高陽詔八龍  
當年稱譽溢豪宗  
何因佐命留奸逆  
清議難

教斧鉞容

謂苟文若

波光激濫說西湖猶記清詞詠大蘇此日可憐風景異斜陽凝望但平蕪

渡黃河作

洪流如箭出三臺東注滔滔雪浪奔自是水行宜就下何人強

挽北來源

感宋人回河事

邯鄲卽事

十載馳驅地征輶復此經墨會磨盾灑

余干癸酉從戎魏博曾經此地輿爲憫

農停

辛巳夏余以清河觀察勘蝗復至此

沃衍春原綠微茫遠岫青由來稱赤緊

三輔倚門庭

遺蹟憑誰問叢臺衽服多驕淫誇里閭表裏失山河絃疑風仍在囊錐技若何平原空養士豪舉諒非苛

又絕句二首

并州天險控飛狐何事繁華戀此都千里川原無寸障銅駝那  
免嘆榛蕪

挾瑟爭傳北里聲才人厮養恨難平只餘一事差稱快此地曾  
教呂易嬴

呂仙祠下作

花影松聲絳闕開神仙遊戲卽蓬萊道人問我來何處纔覩江  
樓跨鶴回

大地風輪現剎那等閒幻夢定如何黑甜自有真鄉在一枕羲  
皇未覺多

初至晉陽視事敬和先光祿辛卯除夕自鳴謙驛歸東

朱石君方伯韻

扶陽德望誰能京

先皇黼展曾書名醇儒致用作循吏所至寒谷陽和生夢中吞  
畫得古義天人闡祕璇圖成唐虞故都駐節地善政不顧凡愚  
驚廣渠鑿水利溝澮賢宮教士羅簪纓蒼黎噢咻若赤子至今  
戶祝羣情縈十年坐鎮化逾洽疾苦那誦魴魚賴遂荷

天慈總方岳鬱林石載船裝輕桐鄉房祀澤何遠千秋蘋藻謳  
歌盈嗟余耆年侍杖屨頭角頗愧誇崢嶸鯉庭趨對學詩禮扶  
別與義窮轡坑治書官燭每親見矜恤欲使千張傾山頽獨悲  
孤露早昌黎雲海傷騎鯨竭來旬宣荷

帝簡甘棠舊地今無更魏公遺笏稟猶在那不矢志追翁卿拈  
毫敬和韶濩咏析薪當荷慚惶并

平定道中卽事

嚴關峯嶽護神州三十年來問舊游天劃參墟峯北向地標禹

蹟水東流雄封自據川原勝沃土應無捐瘠憂我願山樞存故俗

堯民擊壤和歌謳

送汪曉門學博歸江南

廿載雲龍逐何堪遠別離山川唐叔國風雨狄公祠客夢隨鞭影流年感鬢絲加餐須努力珍重話臨歧

山色銅陵好清江遶舍科全家住烟水此地足桑麻中婦流黃織諸郎立竹誇期君勿耽隱徐榻佇天涯

戊子仲春余以初擢晉藩展

覲入都庚申諸同年招飲於陳石士閣學所居太乙舟許玉年大令爲作雅集圖朱某堂京兆有詩先成率和其韻并索同人共作

六街巷陌馳飛檝那得園林漲青靄新城學士今詞宗獨闢幽  
居謝輪蓋雲龍此際合萍蹤促坐開筵恣歡會三年離索鬱寸  
心一笑今朝吐滂沛春風正爾坼林葩柳眼欲青榆葉大相從  
杯酒忘形骸脫帽狂呼無乃太

草袍蘆簪纔幾日小叔何殊風雨疾羣賢高會儼神仙十笏幽  
廬任搖膝玉山如到阿瑛居金谷何須石崇室杯行到手醉豈  
辭高論古今喜顏溢飛狐上黨雲氣連不似荒陬鎮蕭瑟從今  
題句莫嫌頻僇言清思抽乙乙

幾年桂管廉車留清暉欲賞誰與謀竭來春明縱譚讌小窻絕  
勝林塘幽雲霞意氣逸如鶴江湖情思閒于鷗盡將眞面入圖  
畫雅集豈異西園游高陽更憶舊吟侶側身南望端江舟

兄青士同年將  
方觀察萃羅

謂玉  
年哲



和張詩舲農部典試閩中之作卽送其出都

臺揮中禁

玉綸宣乍喜乘槎問鯉仙

福州有九仙山乃九鯉仙人遺跡

丹嶼烟霞尋勝跡

紫陽衣鉢溯真傳循陔願慰彤闈際負弩榮增絳節前好取梗

楠貢朝宁李常遺教海雲邊

七貂家世重南州此去憑探建嶺秋詩草定教鈔十手榜花行

見兆三頭

唐人呼三頭元爲三頭

延津劍氣腰間躍瀛島珊枝眼底收尚有

遺珠煩象罔廿年鴻雪紀前游

余于嘉慶丁卯視學閩中諸生今尚有赴試者

夏日太原卽事

薰風習習扇簷楹漸覺并門節候更汾水西流環故郡行山東

時擁嚴城藩維直控丁零塞驛騎還通戊校營回首裴劉成往

事夕陽空照舊雕甍

梁蒞鄰方伯新建梁高士祠于吳之皋橋書來索詩率賦

卻寄

東京尚節介高蹈輕軒裳肥遯乃居貞邱園傲侯王卓哉扶風  
彥抗志稽古皇五噫出關西浩氣凌秋霜泰伯端委地埋名身  
潛藏舉案得佳耦賓敬客彌莊著書自窮年塚穿要離旁斯人  
實明德百世高風揚奈何二千載莫薦蘋藻香令典乃闕如望  
古徒茫茫猗歟安定君振步泉山陽名儒爲蓋臣行省尊平章  
慨然念先哲景行焉可忘度地起崇祠楹桷何煒煌當年賃春  
廡今乃陳椒漿宴娛神其來魂魄戀此鄉從來舉廢墜書象記  
武梁君今誦清芬奕稷隆烝嘗吳中繁會區名利爭擾攘以此  
風世人制行齊圭璋湯湯三江流藹藹吳山蒼此祠永無極萬  
古傳蕭芳

和張彤甫學博見投之作

敢於治術博虛名鯉訓惟傳飲水清三篋楹書曾讀父八綱臺

印漫承兄每看柳色思劉尹猶記桐鄉祀仲卿先光祿崇祀河東各官欲

法前型期布闡彰輝先願樹風聲先公在河東力行保甲化民成俗曾奉旨嘉獎

冀部山川控兩河名賢事業古來多但期比戶興仁讓莫負懸

書布始和鷄飼最憐雛易餒虎冠首警吏毋苛八條頗竭愚心

切觀我觀民竟若何余以八條之政勸諭士民冀還淳俗

樞實何堪領价藩旬宣任重稟朝昏迎黃常願南風普音為南貢冀州

之域固當日瞻斗惟知揮絃舊地也

北極尊芳隴乍欣占大有講帷曾憶守長恩余于己未庚申之間主講平定者十

月祇今公事如家事重更都親笑語溫

奇才休便歎沈埋萬里搏霄豈有階心鏡虛涵徵妙諦筆花愁

漢苗陳莒書傳太史名誰及品譜王官跡未乖早晚琳瑯貢  
天闕幽居不必羨松牌

和黃勵侯明府見贈之作

敢將明德擬卿公愧擁油幢汾水東盡職每期酬

主聖承家彌稟效臣忠黍苗尚潤當年雨榆陽猶存舊國風惟  
願荒陬皆樂土春臺長在太和中

星斗文章漫學韓感君譚蓀論何寬祇餘輦輶詞人技敢詡旌  
旂上將壇射鵰誰能穿札勁探驪每歎得珠難左司舊隱桃川  
近詩老溪南把臂看

題史向園先生遺畫詩爲令嗣竹房刺史

丹嶂凌霄起蒼崖隱霧深人家在何處飛瀑響空林仙磴嵩巖  
接樵風剡曲尋朝川真再出妙手契禪心

長揖諸侯客王門早曳裾政聲留海嶠家學付楹書綠篠兒童  
馬朱轡刺史車行看榮繡節萬石表崇閭

晉陽懷古

桐圭遺蹟記通侯縣雍山前碧玉流疆宇至今傳大鹵規模猶  
是朔成周百年霸氣龍蛇詠千載淳風蟋蟀秋我獨關心懷保  
障異時尹鐸有良謀

九原要塞控夷庚自昔邊庭苦戰爭三讓舊聞迎代邸六師曾  
說困平城將軍虎射單于壘太守鷹盤突騎營指點前蹤形勝  
在戍樓鳴角古來聲

朔風颯颯近龍沙割據方州跡已遐奉表段劉空激烈爭雄漢  
趙漫紛拏香姜閣圯沈寒雨水井臺高隱暮霞堪笑蛙聲成底  
事紅粧執樂競豪奢

虬髯王氣望來真一劍能清四海塵  
劫盡江南瓊藥古根蟠天上李花春  
崇祠題句豐碑泐唐文皇有親  
撰晉祠碑記舊邸巡行寶翰新自  
是戎衣匡社稷爰劉而後更誰倫

題屠赤水先生手蹟

妙理能通幻名言早識微當頭饒棒喝不是箭鋒機

少日才名竹箭中年治行桐鄉自是文人慧業能參無住金剛  
龍驚鸞婉總多姿墮翮書成自一奇珍重文孫勤護惜他年述  
祖譜新詩

題徐晴圃中丞品駿圖

驊騮開道紀雄才

帝遣勳名重九垓獨坐威聲通象譯空羣真賞得龍媒珠璣日  
暖蒼螭膏寶鉸星纏紫燕來自是驪黃歸物色未須市駿話金

臺

草制當年傍

紫宸早從

天上給翔麟屬車每試長楸步攬轡還清細柳塵雲錦舊嘶沙  
苑月花虬新坐曲江春由來龔靖中懷切害馬全祛八水濱  
禁署頻聞響玉珂雲蕤爭羨翠相摩穿楊藝擅影纓貴憩樹陰  
濃叱馭多瀛海都看葉傳遍神皋共慶洗驄過魯公純嘏從  
天錫垌野先徵耆牧歌

巖疆籌筆諗躬勞萬里儲胥勝算操鐵騎熬教肥苜蓿屬裘終  
見貢葡萄明駝露布馳書疾天駟星河破陣豪保障西隄功不  
細麟圖端合拜

宸褒

清嚴鈴閣靜無譁  
綈帶風流鎮足誇  
馭衆良謨齊轡策  
掄材精鑒寄駟馭  
蘭筋致自名王壘  
竹耳來從上相家  
見說金壺參治畧  
元臣蕙績被流沙

在園都成躡電姿  
我公神化信如馳  
桃花雪汗連錢咏  
蒲海風鬣歎玉詩  
盡使名駒嫻磬控  
每從凡質辨權竒  
繩鈎規矩資調御  
他日鈞衡翊

聖時

龍文虎脊總星精  
開卷蕭梢朔吹生  
曹霸丹青工畫骨  
燕公手

筆最知名節堂染翰雄詞振

公于試院滿筆爲記

官閣徵吟雅韻

卷中題咏

從此藝林增盛事  
官疆瑞應第升平

牙幢惠澤頌宜官  
又渡河汾躍錦鞍  
中令北門資鎖鑰  
安陽西府領師干  
篠轡已見閭閻樂  
伐駟真騰士馬歡  
我擬執鞭慚十



駕願師泰豆學和鸞

題晴圃中丞晚香圖

秋清戟府氣疎森嘉植相於託興深澹影自標超俗韻澄觀早  
展濟時心紉芳真意閒中領壽世元功靜裏尋好向平泉紀花  
瑞金精兆應福王林

繁英爛漫絢亭阜乍拜

天書五色毫

芝檢醞恩如露湛槐堂峻節與秋高盈階淑氣同芬郁比戶謳  
思叶咏陶原是安陽珂轍地陝右并門皆魏公當日持節地樞衡行見手親操  
百二山河望鬱森元臣偉抱寄崇深茹和豈假餐英味葆素真  
酬報

國心冷豔一籬憑靜對疎香三徑足幽尋由來輅乘承

恩早旌節花開接上林

公由樞庭奉使自此旌節臺廣游登八座

獨鶴聲清聽九臯鈴軒得句羨拈毫乍欣麥秀千畦樹

榮鞠樹麥見夏

正恰對蓮花萬仞高應序芳華歸茂豫凌寒品彙在鈞陶只今愷澤流汾晉依舊霜風凜介操

題晴園中丞舉杯邀月圖

萬里明暉澈中天皓質懸銜杯當此夕清景正無邊朗抱冰壺潔澄懷玉鑑圓智珠原在握世界照三千

夙擅金波詠頻移絳節新醍醐

天上錫旌旆鏡中春

秦地山川似鏡中唐人句

數舉嚴軍令光明見寶輪投

簞誰不感建福遍斯民

慧業前身是冲襟頓氣俱湛然心若此溫克譽無殊妙理參千印高情契百觚知公燭幽隱羣象仰昭蘇

北海尊方舉南樓興倍豪我來親鑿月人似飲醇醪宵漏春城  
靜風清幕府高乘舟占夢協作醴慶流膏

又晉陽懷古四首

黃腰獸駭競橫戈事去咸京可奈何東雀歌方悲隴右鴉兒單  
又起沙陀伶官粉墨輕天下內殿香烟祝大羅不是墜驢聞吉  
語幾時荆棘翦銅駝

破陣清流蓋世雄誰知百戰挫河東統治赤伏張戎幟地近烏  
桓勁角弓王氣千秋天水碧偏師一炬火光紅綺衣迎後邊陲

晏從此歡騰象舞中

用歐陽公  
晉祠詩意

一聲白雁忽南飛三晉雲山擁近畿乘障更無征戍苦行邊恰  
喜坂田肥紅兜白傘農參佛青鼠黃羊夜打圍最是孤忠憐擴  
廓和林北去肯言歸

銳師分道定中原  
驪土還教樹大藩  
秘殿圖書開冊府  
高城樓櫓儼天閤  
紫臺誰使封狼入  
碧血空悲杜宇魂  
記取崇祠祀三立  
排空浩氣鎮常存

戊子除夕追和先光祿乙未晉陽除夕韻

律轉寅杓候乍更  
持椒炙蓬遍山城  
笑粲寶庫歌維億

今歲大熱輸將

願為軒蓋朝元咏既盈

恩綽正看頒令甲

本年西域蕩平恭上太后徽號

恩詔甫至

皇化疆新見闢

由庚

釋堂夫子疆理西陲甫經竣事

祗慚棠蔭承先澤  
樂恬彌思善輔繁

三晉為

先大夫舊治凡四權泉篆居晉陽最久

白鶴山房詩鈔卷十九終

白鶴山房詩鈔卷二十

歸安葉紹本仁甫

古今體詩九十三首

題晴園中丞所藏畫冊十六首

武昌春色

粉堞清笳隱滄波曉鏡開當年楊柳色又渡漢江來松閣雲爲  
幕花洲錦作堆樊山堪對酒望古意徘徊  
一水通吳蜀高城據上游雄圖爭萬里陳跡自千秋兒女銅鞮  
曲仙人玉笛樓惜陰思往哲裘帶繼風流

洞庭波漲

木落洞庭寒澄湖萬頃寬雲煙迷極浦日月隱浮瀾獨鶴晴霄  
唳神鴉古樹盤欲尋張樂地試向暮霞看

絕愛煙波趣君山一棹過長空迴白鳥倒影漾青螺杜若芳堪采雲和瑟欲歌何人工泛宅葦岸挂漁簑

西湖夏日

何處堪忘暑西泠勝蹟皆松杉陰被徑荷菱水侵階雨過簪頭染風平鏡面指扁舟隨意泊別蘇讀磨厓  
短笻通菱渚長隄拂柳烟天開清淨土人放總宜船塔影中流見鐘聲遠岸傳湖樓題句好健筆羨詩仙

海門殘照

暮色海門遙滄江正落潮一輪浮紫磨兩點認金焦魚尾蘋霞麗鰲頭碧浪銷蓬萊如可到矯首望烟霄  
浩渺看無極澄鮮景獨殊珠宮鬱靺鞨銀闕映珊瑚亂影千帆度奔濤萬壑趨不須驚炬火光怪發天吳

浙江觀潮

雪卷樟亭岸秋來氣獨雄  
千行明組練萬響震豐隆  
島嶼浮沈際川原歎飲中心神  
憑澡淪枚叟語原工  
誰激靈胥怒喧應意未降  
迴瀾吞越岫飛沫濺吳艘  
勢挾銀潢注歌傳小海腔  
江樓堪徙倚頻拓竹間窗

靈隱冷泉

幽絕招提境寒泉碧澗侵  
琤琮流石骨瑩澈鑒禪心  
遠壑風聲靜炎天暑氣沈  
科頭濕坐此瀟灑滌塵襟  
隱隱嵐光合淙淙急溜喧  
嶺高還映驚洞古乍聞猿  
梵磬中林度茶香石鼎翻  
淨名天到否妙旨證無言

太湖秋晚

蟹舍千家聚虹橋一帶長  
無邊蘆荻浦是處水雲鄉  
霜信黃柑



熟炊煙碧稻香天隨魚具好幽火夜鳴榔  
鐺脚環三郡烟鬟辨兩峯灣通香水棹屋隱洞門鐘蓼岸疎花  
結苔斑瘦石封茶山佳境在更盼到春濃

廬山雪霽

不辨羣峯勢瓊瑤一色齊望中迷碧岫空外認丹梯樵徑籠寒  
霧冰泉咽凍谿巖扉誰畫卧試訪隱君棲  
皓旰橫天界誰窺面目真翠收彭蠡畔玉照大江濱實雪尋初  
地池蓮悟淨因何當騎白鳳絕頂上嶙峋

題瀟湘八景圖

瀟湘夜雨

溟濛寒雨暗江臯入夜廉纖勢轉豪碕岸雪昏看霧縠逢窗燈  
炮聽蕭騷遙嵐嶂掩峰千尺新漲平添水一篙幾處橋竿移泊

穩中宵旅客首頻搔

竟夕淋漓望淼漫模糊誰識水天寬  
聲和戍鼓驚殘夢韻入冰絲咽急彈  
竹浦烟青秋霧濕楓林影黑暮江寒  
鷓鴣啼徹重湖晚一幅滄洲入畫看

山市晴嵐

望衡九面總生雲又挹浮嵐霽色分  
隱約村墟籠淡靄縱橫彩翠映朝曦  
林疎遠逗行人影徑密微遮去鳥羣  
似有仙源何處覓洞中鷄犬隔溪聞

蒼巒掩映最迷離明滅朝昏態轉奇  
豈有樓臺同海幻祇教樵牧入山疑  
雲歸複岫輕烟合日暖重巖旭景遲  
知是五峰真福地願從松戶結茅茨

漁村夕照

風平遠渚隱殘霞徙倚江村日已斜  
萬頃碧浮征客棹一痕紅入釣人家  
柴門網曬臨楓岸竹舍籬開隔蓼花  
最是收筒天欲晚幾聲銅斗任譙譙

一帶平蕪碧岫橫暮天風物最淒涼  
簾鉤影挂圓暉仄屋角陰移老樹晴  
流水棲鴉成畫本迴汀浴鷺見詩情  
此間合有天隨宅漁弟漁兄問姓名

煙寺晚鐘

招提清境隔塵寰遙聽疎鐘度遠山  
縹緲聲傳青嶂迴悠揚響扣白雲閒  
梵關靜和松濤答曲澗喧迴石溜潺  
正是佛燈將上候寒衣手綻一僧還

香臺遙啟景幽偏好向雲堂證四禪  
窅堵影猶明半嶺海潮音自震諸天  
棲林鳥聽迎陵奏傍砌花開薜蔔妍  
聞道玉泉隣嶽

麓殷牀聲應徹江船

洞庭秋月

涼波嫋嫋拂西風乍覺清暉萬里同天上星河開玉宇人間島嶼現珠宮雲消斷岸羅痕捲浪靜平川鏡影空好泛輕橈歌水調瑠璃世界大圓中

澄湖浩淼總涵秋劇愛冰輪素彩浮潏灩不分天四面空明直泝水中流宵深定起魚龍舞露冷渾迷鷗鷺洲此際冰壺真濯魄清虛應勝廣寒游

遠浦歸帆

滄洲無際遠烟橫乍見孤帆破浪行渡口雲低留影重日邊波駛見船輕危檣五兩占風信客路三千數去程是否長千人欲返候門童稚好歡迎

隱隱征橈下碧湘空江真見接天長一灣春水飛寒雨幾點青山挂夕陽曲岸飽張潮約約晴灘徐轉樹蒼蒼定知虹月隨書舫解橐應非陸賈裝

平沙落鴈

峯到衡陽鴈侶稀長天又見陣南飛一繩影向重雲度八字行分淺渚依日晚寒聲喧蓼浦雪晴泥印遍苔磯江湖知爾饒生計黃葉村邊碧稻肥

寒蘆瑟瑟正秋深乍聽前灘響遠音鼓翅似隨風力緊呼羣好趁月痕侵關心鄉信傳輕帛入指絃聲寫素琴欲倩惠崇圖小景菰田涼意動高吟

江天暮雪

江雲淪淪暮迴汀飛絮漫空勢未停著樹都如仙髻白好山全

改佛頭青孤槎客釣寒簑冷小市人歸板屋局知有遠梅香隔岸何人載酒挈雙瓶

推篷彌望濕烟昏是處冰花翦刻痕天劃長空微有影林收衆籟更無喧寒松凍壓臨霜澗枯葦風欹傍水村誰向雪溪師訪戴觥船一葉晚江吞

題王幼海觀察游蹟圖十二首

桃源歸艇

湘南山水區神仙跡多寄洞口綠蘿搖巖前紅藥媚君乃佳喬儔三生記前事試與泛漁舸仙源可重至

煙雨湘帆

潭府地下濕氣蒸瀟湘雲神淵溜時雨冥濛江不分此時挂帆席言采蘭杜芬湘靈不可見招手雲中君

汾陰春煙

寶鼎出汾陰瑞氣吐金景化作曙煙濃春流繞里井趨庭晴晝  
長蘭氣階庭永遠渚望桃花幾許紅霞影

燕臺壁古

長安冠蓋數名士盛榮敦定交杵臼間商摧到千載九陌軟紅  
飛一編虛白對繭紙發古香試玩碎金碎

山園初夏

二華接終南巖壑最幽勝結廬蒼翠間竹下開三徑槐日散輕  
陰松泉入清聽獨坐寫黃庭野雲生石磴

野水魚莊

秦川望渭渚烟水何蒼茫誰偕隱者流垂竿學釣璜春漲曉收  
綸秋月夜鳴榔不須慕志和放棹蘋花鄉

竹窗夜讀

秋氣何蕭森窗竹乍鳴夜中有草元人林風颯虛榭綠玉種千竿黃塵避三舍此際譚皇初微言契虞夏

輞口秋晴

竹里面藍田佳境輞川最碧水映淪漣澄空秋宇大遠岫帶寒煙疎林籠淡靄君家此故居畫意雪峯外

灞橋風雪

瓊蕊競飛花驢背饒詩思重載策征驂貌盡荒寒意梅香側帽尋絮影停鞭遲聲誰仿七賢圖君其繼高致

介廟松濤

萬壑響秋濤到眼蒼煙合往時焚林地今乃濃陰匝下馬酹椒漿崇祠幾牖牖謾聽寒聲遠寺疎鐘答



園池感舊

守居舊園池奇構闢天巧絕似宗師文句學盤庚切治行溯翁  
卿房祀薦芹茆兩世樹棠陰盛德尫羸飽

玉華雲海

元嶽峙北海峻嶺凌天關何處妙鬢華蔚藹層巖間君從華頂  
來仙掌曾高攀舉臂傲若士一笑輕塵寰

和張詩舲民部西湖省觀之作

萬松山翠映湖暉真有芳林號錦衣奉母板輿安似屋朝  
天畫檝駛如飛北堂共慶回鸞

錫西蜀爭傳駟馬歸杭秀自來同版籍

華亭古隸秀州與臨安本同浙西路今尚爲難

司分轄地名區省觀古尤稀

暫緩征輶吳苑行陔笙歡洽此時情曾看太姥紅裙宴

君方自聞還

又拜宣文絳幔榮三竺烟霞警壽筵六橋燈火照山城靈椿日  
下知同慶記取凌雲鼓吹聲

題孝女韓娥遺稿

世間奇事乃如此地下從親一女子由來至性出閨闈籍注壙  
城原不死北宮之子嬰兒家撤環侍養千秋誇豈知賢媛邁往  
古殉親如溺錢江涯平日嬰嫺習詩禮女師德象稽書史獨將  
鍼紵奉高堂孝女緹縈未足比琴閣相依閱歲年那知風樹恨  
終天茹悲聊爲萱庭活不道驚心素鞵連雛鳥淚盡惟啼血一  
笑人間甘永訣精衛難填海底波螻蟻願尋山中穴慘語呼天  
天不聞九霄身化妙鬢雲遙知兜率相從處眷屬瑤宮總不分  
阿兄憔悴青衫吏大雷書寄悲同氣香茗空傳絕妙詞蓼莪難  
制傷心淚石室編成淑行揚女中曾閱傲楊香大觀臺畔江流

疾孝魄忠魂

共久長我持英蕩維風紀貞娥曾表婁村里

余分巡清

河台補旌烈婦蘭孫氏

又向齊庭得女婧永嘉惜未全親體彤管徵詩共

感吁捐生奇節世間無願將黃絹題碑筆更寫甘泉畫壁圖

### 黃左田先生八十壽詩

衰衣元老早明農乍喜弧南瑞氣重洛社耆英推領袖曲江風  
度想雍容潞公髮爲蒼生白魏國香看老圃濃豈是丹砂求異  
術由來介節比喬松

### 卅載西清侍

帝宸立朝正色仰垂紳等身著作傳三絕造膝謨猷奉

一人文采豈徒金鸞驚康彊信有玉精神祇今純嘏從

### 天錫椿算纔萌世外春

乞身豈爲戀林泉聊以遺榮勵後賢范相樂憂關社稷鄭侯出

處總神仙于湖煙水堪娛日謝宅山池足引年遙想雪衣爭放  
處賓雲齊奏幔亭筵

堂廉魚水契

明恩又荷

宸褒錫予蕃

寶畫天開龍篆賁

尚方衣賜鶴紋溫築城羅結

咨謀數上殿盧鈞典則存我媿稱觴川路隔祝延願護壽車輪  
送同年顧晴芬司農乞假歸里卽用朱虹舫同年韻

西清榮遇古人同請急還邀

禮秩隆卅載神山留碩望一時祖帳盛羣公釣游有願尋初地  
溫飽無求本素衷從此角巾娛里社也如太傅讓元功

岫雲仍復返煙岑奉筆帷筵仰正襟

三殿句臚承

寵渥

兩朝禁直拜

恩深竒才共說推劉瑋異學還聞黜李尋知有丹忱遙戀

闕冰壺瑤瑟鑒臣心

懸車未屆乞身稀劇羨蓉湖製芟衣舊約林芳應不負新盟水

竹那全違

君有水竹柴門圖

苔雲畫意摹元鎮杏雨詩情憶去非記取

江鄉諸後進騷壇牛耳待公歸

蒲帆風利去難留漫唱驪駒動客愁何用行田搆鼓角儘容嘯

侶醉籬頭閒中悅性聞山鳥物外忘機狎海漚我悵停雲隔天

末空言鐙腳近三州

蘇湖常壤地相接東人謂之鐙腳郡

題藤陰詠別圖爲夏玉延大令次顧南雅同年韻

我讀琴塢詩知君名籍籍獨鶴鳴青霄異軍蒼頭特清氣自轉  
旋斯道破榛塞誰知波靡際筆力幹古昔每念同志稀文軌誰  
並策安得覩斯人共任起衰責十載溯神交南北嗟異跡何圖  
唐魏區喜見癭顏瘠孤桐朗玉姿風度非局迫重以瓊琚詞凡  
骨知久易平生慕佳士無異蟻緣隙此際得劇譚蓋影傾屢側  
吁嗟民性殊良莠雜蜚蜮要在植善苗勸賞視所積古人重循  
吏黔黎賴蘇息廩廩崇德讓庶幾盡乃職奈何培克徒饕餮欲  
爭席擇肉噬厥肥民力那遑惜更加鞭朴威其毒甚蜂螫奸胥  
蝨其間若虎傅之翼試問蚩蚩氓強弱孰與敵南畝困迫呼疇  
能盡農力此邦本堯封揚水白石白閭井素殷賑地少他族逼  
化民在仁讓庶可做俗革就中丞髦士野處秀不匿何必誇竹

刑谿刻師鄧析士當服官初軌轍慎所適能思孔顏樂方茂龔  
黃績三善與四最古制重考核君負不世才治要數歷歷澄心  
光明珠濯魄水晶域以此燭幽遐所慮何不得儒生致經綸豈  
在勝人色嗟余忝藩維每懼民隱隔喜君善恤人痛癢關一脉  
斯民實具瞻勿令工指撚好讀活民書莫泥法家式文章綜九  
能彛訓秉三極楊柳綠搖風庶尋言偃宅

和夏玉延大令試吏太原感懷之作

誰教珠璧抵塵埃終見驂騑道路開准右詩人秦正字江南詞  
客賀方回雲鵬恰值初培息木鴈何須辨不材一笑牽絲投牒  
去弓蛇那慮影驚杯

元龍意氣倍超然贏得清吟百卷存良吏要求儒者志仁人每  
聽藹如言好從孟水觀民隱莫向關山怨旅魂琴趣花香隨地

領書生遭際未遛屯

與連通

管岑懸甕好山光宗炳平生念亦償趙代地形猶可按韓歐政績孰能詳采風信有謳謠古愛日還期惠澤滂記取星軺遺範在典型翹首試求章

謂筠莊嘯門兩先生曾持節此地

旌竿列戍擁嚴關陳蹟千秋一瞬間詩陣好添新壁壘圖經不改舊河山吟成碧玉詞堪和努出黃紬政亦閒等是聲名輝竹素休從青鏡恨朱顏

寄任蘇齋文學粵中卽和戊子元日見懷原韻

一別灘江漫兩年懷人頻向海雲邊清才久夢瑤臺客游跡還追玉局仙枕石心情微獨浪瘦金筆法謝拘牽

君善書

我拈枯管

勞堆案賡唱慚無白雪篇

玉延見酬前詩仍疊原韻奉答



清言落紙淨飛埃生面真從筆底開品似崇蘭芬最遠味如諫  
果妙於同珣琪自韞連城價杞梓難辭用世材休向匡居嘆岑  
寂峒峒山色好傾杯

鴻雪泥留亦偶然浮屠三宿戀猶存

余凡三至晉中

仁風柳絮徵遺愛

房祀桐鄉有德言

先光祿善政在民祠祀河東

教士每期書復性譚經曾點

易歸魂

先公課士河中一以正學相易守一書力開京孟之謬

鯉庭訓在慙難繼政使

蒼黎澤尚屯

幸從甕社識珠光濟物心看此際償出手詩篇驚磊落羅胸典

籍見精詳利農待報三條政減役能籌百戶

百戶一湧見齊書

自是

通經能致用莫將小技視文章

河淮保障話鄉關形勢分明指掌間名士豈宜同畫地儒生須

不負藏山浮雲看世真同幻止水盟心允亦閒早晚薦衡書欲

上漫捫壁記說慙顏

再答玉延大令和詩三疊前韻

迎霜黃菊點秋埃

用楊誠齋詩意

汾晉雲山霽色開  
右輔恰占年大有

陪京正詠

上之回倉箱乍聽輸官廩  
輻輳方期用異材  
莫爲蓴鱸思引去  
三吳空羨步兵杯

流行坎止本悠然  
自有圓空內守存  
衍與異同何待辨  
荆凡得失定難言  
簿書待下新條教  
雲壑曾恬舊夢魂  
知子煙霞成癖  
久數間茅屋憶東屯

誰從詞苑識靈光

謂郭頻師厚津梁願久償  
筌澤煙波應共溯

屯田風月早能詳

君爲琴鵬太守高弟客鑾江最久

古文篆籀稽王志

君善別篆書

錄山川說寶滂

君精考據家言

此事千秋須不朽  
期君抉漢發天章

鈴閣風清晝掩關與君交在立談閒鄉情同話浮天水詩境還  
尋繞郭山入座最欣人澹蕩作堂應記客蕭閒見米帖步光屢許  
鉛刀齒聊和新詞一破顏

題樊生文卿詩後

散珠橫錦著清才廿載豪吟衛水隈放子一生頭地出驚人奇  
句破空來

象罔元珠快暗求丁沽八月講堂秋喜君重立并門雪甕水舟  
山足壯游

詠菊四首敬和先光祿慎餘齋集中韻

菊魂

不同凡質逐霜凋一種精英未許銷傲骨祇憑詩共寫寫魂誓  
表幽情應藉酒爲招亭亭莫比鸞釵豔栩栩還宜蝶夢邀誰向

三生稽往事分明仙隱寄花瓢

用許宣平事

### 菊影

貌出芳姿百態生水邊月下認逾明  
六如偈誦廬山社萬丈光依吏部  
繁幾幅橫枝參畫本一簾寒意逗  
吟情高城燈火茱萸會老圃香濃  
倍得名

### 菊韻

隱君清節足低徊撲去秋塵萬斛回  
長珮高冠騷客製斜簪散髻酒人來  
天隨宅畔尋常見飯顆山前幾度開  
自是三花能比秀駐顏合進紫霞杯

### 菊香

留得孤芳晚出奇自成馨逸繫人思  
挹來茗碗爐薰外步到疎籬曲徑時  
馥郁最宜含露潤溫磨休訝得春遲  
寒梅嶺表知同

調風雨羅浮乍合離

咏菊復得四首仍敬和慎餘齋集韻

菊魂

莫擬蘅離賦廣騷靈根示現亦云聊霜風早識真形鍊江岸無  
煩些語招澹蕩自離塵性遠蕭森不共客愁銷柴桑早悟人間  
世那便閒情悵灞橋

菊影

曲檻陰移哨遍歌空庭樹色映婆娑浮階若藻參青士臨水池  
亭認翠娥漢宮有影娥池涼月迷離籠砌戶晴曦晃朗照陵坡由來幻  
相參無盡付與詩人子細哦

菊韻

恰趁金飈爛漫開豪情那逐醉顏頰獨清人健紅葉節相對言

忘綠茗杯

用錢起詩意

避客葭牆遺世久談元玉塵渡江來歲寒預

矢凌霜操齒冷爭春有早梅

### 菊香

淡粧分得淺深黃又遣幽姿鬪衆芳秋蕙好期心契結霜橙休  
道手搓香餐英尚記湘江畔嚼蕊宜尋鄴水陽可比旃檀風最  
遠餘芬珍重枕函藏

### 和潘榕臯先生加四品服重宴恩榮紀

### 恩詩七律六首

饋醕隆儀重老更巍科人瑞眷

皇情燈毬月舫當年盛彩綬宮袍此日榮吟藥曾巢阿閣鳳攜  
柑飽聽故園鶯申轅舊德誰能及白髮

### 三朝頌太平

軟紅記踏繡街斜畫省筵開翠幕遮名士嘉祥徵染柳端人志  
節見簪花公事用溫琳瑤楊笏榮三世河軾文章自一家獨以鴻儒  
叨

異數蒲輪玉杖不須誇

落筆中書六十春德園自守足怡神衛公金錫諧歌詠吳會溪  
山樂智仁虎榜宏開剛衍甲蠡旗乍捲正逢辰由來麟篆邀天  
福重啖紅綾定有因

挂冠久復慶彈冠

尺一傳來

壽寓寬詣闕未教勞赤舄

上以先生年踰九袞江南道遠  
勅勿來京即家拜恩

養真爭欲詫黃安巖中芝秀能延算樓畔松聲總耐寒莫向南  
宮稽往事後先齒德似公難歷數重宴瓊林諸  
公無年開九袞者

輝揚卿月肅鸞行

天上芝泥奕葉光翠鸞書祥尊壽耆蒼牙演策筮賓王庭階早  
識春風暖杖履欣游

化日長樂易知公能葆素上池不用飲長桑

優游德性合元和高唱雲天巨刃摩南國敦槃親指授北平邸

第屢經過華嚴界迴詩能到岱嶧碑高字不磨

先生善書並工篆隸

何日

登堂重結襪安昌絲竹聽絃歌

奉答李滋園太史見贈之作

翰林風月重承明草制才高物望并甲第舊隣通潞水子衿新  
育夏墟城歌賡寶鼎雄詞麗學衍銅川教澤成我媿羈官徒擁  
傳頻年仙夢隔蓬瀛

庭齋積雪追和王元音年丈河東官舍與先光祿倡酬



韻

鶴鮮鷗素改凡姿姑射神人照玉肌到眼軟紅真似洗盟心貞  
白獨堅持點爐消息良堪悟被氎衣冠那化緇珍重前賢遺咏  
在晉山依舊六花滋

哈密瓜敬和 先光祿集中韻

瓜沙徵故壤佳種紀西陲甜嚼嫌州雪寒凝磬石脂輕郵隨驛

騎側弁訝羌兒

瓜形似同冠

拜賜童年憶流光信若馳

余嘗年在河東時曾蒙

先公賜食今四十餘年矣

奉題張詩舲農部瀋陽紀程詩後

弓鳴霹靂騎追風變伐當年第一功自是

神威垂萬禩蠡旗指處陣雲紅

北鎮雲山入杳冥寶幢獨聳大東青羨君直上中峯頂矯首鴻

寢在戶庭

層樓高矗海天寒曉日三山此際看億載關山留

聖藻奎文光映紫迴瀾

三篋河東紀異才彩毫

帝後七車陪燕公巨手家風在好繪金橋扈從來

己丑除夕仍敬和 先光祿晉陽歲除韻

乍移使節歲三更又見韶光遍列城彩勝尚遲簪麗殺時距立

有二絮花恰喜舞輕盈兩日內遠近得雪寒帷舊德稽周甲先公於

察河東今已蠟展游蹤紀後庚余於嘉慶庚申甲子一周矣彈指風燈纔一

瞬挽強心志凜弓檠詩用坡詩意